



Inuit Ataqatigiit Inatsisartuni gruppiat
Inatsisartut@ina.ala.gl

Kalaallit Nunaanni LGBT pillugu § 37 apeqqut 166_2022-mut akissut

Inatsisartut suleriaasiat naapertorlugu Kalaallit Nunaanni LGBT+ pillugu Naalakkersuisunut apeqquteqarpusi. Apeqqut uannit akisassanngortinneqarpoq.

Apeqqutit ataasiakkaarlugit issuarneqassapput, kingornalu akineqarlutik.

Apeqqut 1: Nunatsinni suaiaqatigiit inatsisitigut illersugaanerat iliuseqarfigineqarnerallu qanoq pilersaaruteqarfigineqarpat?

Akissut:

LGBT+ taaguutaavoq suaiaqatiminik atoqateqartartumut, tamanoortumut imaluunniit suaassuseq inunnguusermit allaanermik suussuseqartutut kinaassusilernikumut il.il. atorneqartartoq. Akissutinni LGBT+-imik taaguut aallaavigissavara, tassami assigiinngisitaarneq sammineqarmat aammalu sammisami inuttut pisinnaatitaaffiit kinaassutsimullu apeqqummut pineqarnerummata inuit ataasiakkaat suaassutsianniit.

Siullermik oqaatigerusuppara inuit LGBT+-iusut naligiissitaanerat sammineqalermat nuannaarutigalugu. Augustimi nunat avannarlerni ministereqatikka, Copenhagen Pridemi inuit LGBT+-iusut atugarisai pillugit katerisimaarnissaq nallertinnagu ataatsimeeqatigaakka. Tamanna ukiut kingullerni nunarpaalunnit sammineqartorjuuvoq. Tamatumunnga pissutaavoq oqaluttuarisaanermi inuit LGBT+-iusut pisinnaasatigut inatsisitigullu innuttaasut allanut naligiittut pineqartannginnerat.

Naligiissitaanermut inatsit nutarterneqalerpoq, maannami 2013-imili inatsit pisoqalimmat. Naligiissitaanermut inatsit nutarterneqarpat, suaassutsimi kinaassutsit tamarmik, soorlu angut, arnaq aamma LGBT+-imi kinaassutsit allat ilanngunneqassapput. Tamatumani suaassuseq, suaassusikkut kinaassuseq imaluunniit suaassusikkut taaguut tunngavigalugit immikkoortitsinermik inerteqqutaanissaa tunngavigineqarpoq.

Assersuutigalugu sammisat suliarineqartussat ilai tassaapput, nalinginnaasumik ilaqutariiusunit allatut ilaqutariiusut soorlu "neriusaajusut" inatsisitigut illersugaanerat aamma sullinneqartarnerat. Tamatumunnga atatillugu meeqqamut angajoqqaatut nalunaarsorsinnaanermut aamma qitornartaanermi sulingiffeqarnermut pisinnaatitaanerit oqaluserissavavut.

Erseqqissarusuppara inatsit nutaat aamma sukumiinerusut kisimik naammangillat. Inuilli uagutsinnit allaanerit ataqqineqarnissaat aamma iluamik pineqarnissaat pingaarnerpaajuvoq. Inuk suaassutsitigut ikinnerussuteqartumut inuit allat

Brevdato: 12-09-2022
Sagsnr. 2022 - 16912
Akt id. 21062748

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

amerlanerusutut piumasaqaatai aamma naatsorsuutai ajoqusiisinnaapput aamma tarnimut innarliillutik.

2016-imi Kalaallit Nunaanni inuit 18-iliinikunut inatsisitigut suaassutsimik allannguissamut periarfissiisoqarpoq. Maannali innutaasut timikkut suaassutsimik allannguissamut periarfissartaqanngilaq, maannami Kalaallit Nunaanni peqqinnissaqarfik inatsisitigut periarfissaqanngimmat.

Naligiissitaanermi suliassaqarfik suaassutsit tamanut tunngavoq aamma innuttaasut tamanut attuumassuteqarluni. Taamaammat naalackersuisoqarfiit akornanni suaassutsit tamarmik naligiissitaanerit inatsisiliornermi allaffissornermilu qulakkeerneqarnissaat sulissutigivarput.

Apeqquut 2: Nunatsinni suaacaqatigiit inuttut pisinnaatitaaffiinik kiffaanngissuseqarnerannillu naqissusiisumik iliuusissatut pilersaarummik Naalackersuisut suliaqassamaarpat?


Akissut:

Naalackersuisut inuit LGBT+-iusut pillugit iliuuseqarnissamut pilersaarusiussapput. Tamannali nallertinnagu oqaluuserisatta aporaaffii aamma atugassarititai misissortariaqarpavut. Taamaammat inuit LGBT+-iusut pillugit misissuerusuppunga, taamaasiornikkullu taakku toqqaannartumik sunnerneqartut nipangersimassanngimmata. Inuit LGBT+-iusut aporaaffii nunat allat aporaaffiinut assingusut ilimagaara, aammali assigiinngissutit misissuinermi aatsaat paasineqarsinnaasut ilimagalugu. Siunissami tigussaasunik misissuisoqarnissaanik suliniutit aallartinneqarumaarput.

Misissugassat ilaat tassaavoq, suaassuseqatiminik ilaqartartunut, suaassutsimik allannguiniinikunut imaluunniit ikinnerussuteqartut allanut qimarnguittaqartariaqarnerisoq. Misissorusutaralu alla tassaavoq, inuit LGBT+-it qanoq qinngarsuinikkut pinerluttuliorfigineqartarnersut.

Neriuppunga apeqquutissinnut akissutit naammaginatut.

Inussiarnersumik inuulluaqqusillunga



Naaja H. Nathanielsen